

## 7 хонгт 450 га тәрә хуравв

Би комбайнер болдж 1936 джиләс авн кәдләв. Коммунистическ партин член болдж 1940 джиләс авн бәәгъәв.

Эн джил „Победа“ гидг колхозин тәрә хуралгъна кәдлмш кедж йовнав. „РС—8“ гидг комбайнин агрегатд комбайнерин дарук болдж мини күүкәдлджәнә. Тиигәд, тәрә хуралгъна өмн комбайнан сәәнәр тохнәтәгъәр яслгъ кесн учрар, тәрә хуралгъна кәдлмшт нег-чигн өдр үрәл уга, сәәнәр кәдлдж йовна.

Эврәннь комбайнар өдртән 41, зәрм өдрт 57 гектар күргдж тәрә хурадж йовнав. Тәрә хуралгън әклснәс авн июлин 5 күртл 336 гектар тәрә хурадгәд тәгсгәчквв.

Мини агрегат тәрә хуралгъна кәдлмшт, наадк комбайна агрегатсас хойр хонг сүүлд орлцла. Тегәд хойр хонг ард үлдсн бийнь, мини агрегатин улс ни-ниицнъгъу, седклән өгәд, сө-өдр гил-уга шунмгъа-

гъар кәдлсн учрар, наадк комбайнермүдәс өмн нүүрт гарвв.

Мини комбайниг чирдж йовх тракторист, солом хурадж йовх улс болн комбайнар хурачксн буудәг зөөдг шофер сәәнәр кәдлсн деерәс, кәдлмшт эндү гархш. Тиигәд, 7 хонгин эргцд 450 гектар тәрә хурадж авхар мини агрегат даалгъвр авла. Тер даалгъвран күүцәхин кергт чидлән әрвллго, сө-өдр гидж тооллго шунмгъагъар кәдлсн учр деерәс, июлин 4-д тәрә хуралгъна кәдлмшиг тәгсгәвдн.

Эврәннь бригадин хурах тәрәгъән тәгсгәчкәд, 4-ч тракторн бригадт тәрә хурахд дөнъ-нөкл болхар ирвдн. Мини комбайна агрегат эн 4-ч тракторн бригадт кәдлмш кехәр ирхләрн, эврәннь чирәгъән улалгъшго, тәрә хуралгъна кәдлмш чилтл шунмгъагъар кәдлхәр адгәдж йовцхана.

Е. Д. ГОМА, комбайнер.  
Яшалтинск район.